

Ilanngussaq 2

IAI 2005

Oqaasertaliussat

Naalackersuisut siulittaasuat – Suliassaqarfik 10 -14

Siunertamut konto 10.13, Namminersornerullutik Oqartussat suliffeqarfiutaat

Naalackersuisut piginnaatinneqarput NunaMineralsimi piginneqataassutinik pisisinnaa-titaanerup tunniunneqarnissaanut.

Inatsisartut Aningaasaqarnermut ataatsimiititaliaannit akuerineqartoq ulloq 24.08.2005, suliaq nr. 05-131

Siunertamut konto 10.13, Namminersornerullutik Oqartussat suliffeqarfiutaat amma siunertamut konto 73.10 Umiarsuartigut angallassineq

Arctic Umiaq Line A/S-ip imaluunniit Arctic Umiaq Line A/S-ip ilaanik, ilanngullugit ingerlatsiviit pigineqartut tunineqarnissaasa piareersarnissaanut, isumaqatiginninniarnis-samullu kiisalu aningaasaqarnermut ataatsimiititaliap akuersineratigut tunisinissamut Naalackersuisut piginnaatinneqarput. Aammattaaq tjenestemandit Naalagaaffimmit aammalu Namminersornerullutik Oqartussanit Arctic Umiaq Line A/S-imut atukkiun-neqarsimasut soraarsinneqarsinnaanerannut atasumik ukiuni 2006-2009-mi aningaasar-tuuteqarnissamut Naalackersuisut piginnaatinneqarput.

Inatsisartut Aningaasaqarnermut ataatsimiititaliaannit akuerineqartoq ulloq 22.09.2005, suliaq nr. 05-141

Ilaqutariinnermut Peqqissutsimullu Naalackersuisoq – Suliassaqarfik 30 - 39

Kontomut pingaarnermut 30.10.34-mut Meeqqanut akilersuutit meeravissartaar-nerlu

Meeqqanut akilersuutit il.il. kiisalu meeravissartaanermi tapiisutit tunniunneqartarneri pillugit Inatsisartut peqqussutaata allanngortinneqarneranik inatsisartut peqqussutaanni nr. 3-mi, 12. juni 1995-imeersumi allassimavoq akilersuutit nalinginnaasut Aningaasa-nut inatsimmi aalajangersarneqartut.

2005-imut akilersuutit nalinginnaasutut makku aalajangersarneqarput:

Meeqqamut ataatsimut ukiup affaanut	4.548 kr.
Anaanaasumut akilersuut qaammatini marlunni erninissaq sioqqullugu aammalu ernereermermi qaammammi ataatsimi qaammammut.	605 kr.
Naartunermut erninermullu akilersuut	573 kr.
Meeqqap kuisinneranut akilersuut	763 kr.
Meeqqap apersortinneranut akilersuut	3.033 kr.

Inatsisartut Aningaasaqarnermut ataatsimiititaliaannit akuerineqartoq ulloq 07.03.2005, suliaq nr. 05-95